

雲南鳳儀縣志

民國二十六年重印

羅平賓家驛署

卷五

趙州志卷之五

藝文中

記

考

傳

策

論

引

述

跋

說

賦

約

議

辨

序

鼎建尊經閣記

提學孫人龍

滇西諸郡稱人文數者惟大理之趙州州廣文司君鈞洪君梓芳為余言曰州之有學宮建於明洪武十八年在治西南隅我

朝康熙十年始遷於城西鳳山之麓凡浴龍卧麟諸山萃秀鍾英環帶左右蓋地靈則人傑故州人士掇科第策勳名較他郡為獨盛先是學之殿宇祠廡歷六十餘年日就傾圯刺史程君鼎建特捐置田畝為脩葺資然第令博士弟子員經理

不免侵漁弊生雍正十年攝州篆令永北建尊經閣於文廟
上官乃使學官司出入嚴交代著為章程移於閣前兩學官
息堪充公用罔致虛糜遂繕理大成殿及移於閣前兩學官
庶次明倫堂史皇祠次義路禮門與文明諸坊悉告成功十
二年八月暴雨驟漲湮壞宮牆不下百丈亟為整治更築泮
水之橋焉乾隆二年紳士楊其楷等又請建尊經閣於文廟
左右故有文昌祠以其址為閣而祠則改移於閣前兩學官
多方籌畫鳩工庀材經始於上年季冬下旬迄今次第完善
請使者撰文以垂不朽使者念滇南興學肇於漢代自盛覽
張叔從司馬相如受經學實開滇西文章之始迄元和中許

叔入中國受五經越延熹中尹珍赴汝南受經書圖緯歸教
授其鄉人由是南人皆知所為學矣然究之千餘年以來仍
以地處極邊載籍未備即有有志力學之士亦苦於家鮮藏
書安所得博綜今古以探索其源本今幸得

列聖繼繼承承首隆文治優重師儒崇尚經術復令學者濯磨文
體必衷至道屬在吾徒孰不仰承德意感激奮興思窮經以
致用況復新構傑閣以貯聖籍俾益得肆力於詩求知郡之
人文將必有倍盛於疇昔者

重建文筆塔記

提學顧

余以嘉慶壬申恭膺

簡命視學滇南冬杪經趙車中見東山之岡浮圖三級如列鼎然
而未詳顛末壬午春孝廉韓子榮來京會試為余言曰趙治
東文筆山舊有三塔遙拱黌宮方是時列科甲者 日盛
舉之自鄭嵩溪先生榮領康熙己卯解繼起 凡六會試自
李蒼崖先生根雲舉康熙戊戌進士聯提選館繼起者三其
他秋闈中式每科不下四五人春闈上第率多接踵且有以
父子兄弟成進士者 乾隆乙未谷西阿先生際岐選館後
塔址就傾甲科遂以稍替嘉慶丙寅汪衍三牧倡都人士協
力重脩增其舊制戊辰杜芳洲湘遂成進士吾惡知後比不
嗣武前人如

國初鼎盛時耶然則甲科之盛雖在讀書有實際而藉浮圖以助文筆是亦培成風脈之一道也於是乎書

科目題名碑記

翰林 李根雲

千古文明之輝盛衰起伏皆由口氣以為之較而時勢遷流則僅推移於其中者也學校之設三代尚矣周人立四代之學於制尤詳考之周禮司徒所掌因五物之常施十有二教三年大比則鄉大夫考其德行道藝以獻於王王拜受之登於天府夫以六鄉之士當天子之拜藏之祖廟此學校之盛典選舉之極軌也漢興其制稍替然孝廉茂才賢良方正孝弟力田諸科猶為近古故西京生徒至於三千東京生徒至

於三萬人材稱盛而賈董諸儒輩出其間方是時吾鄉以僻
處遐荒為聲教所未訖匪特未與三代之鐘鼓竝未聞漢廷
禮樂也孝武時張叔盛覽始受學於司馬相如而歸教其鄉
里然一綫所通麓知載籍何足語王朝之澤乎唐制選舉之
見於史者五十餘科但天聖大中而後成進士者通志僅載
數人宋時五學六齋創經義之科開詞學之路設四書院以
教山林之秀立十制科以搜巖穴之遺作人之法不為不備
然是時吾滇方閤々淳々錮蔽於六詔大渡河而外豈復聲
明文物之場與元興分藩鎮撫九十年間々有科目可紀而
政教未洽迄乎前明混一區宇乃始釐郡縣置官師邊徼之

治無殊中土而膠庠進士文望顯通者代不乏人則謂吾滇
學校之設由明興選舉之制亦自明始可也迨我

朝

列聖繼承道統化洽興賢育才之典超越百代於是井鬼之野姬
髦商耆幾與中土埒然縷指計之有明二百七十七年間吾
邑之登賢書者趙壽而下四十餘人而已至成進士者自元
蘇隆迄明趙昇張文禮金壘鄒堯臣五先正外由嘉靖己丑
迄康熙乙未中間一百七十餘年竟無嗣音豈學校之不振
與抑文明之運起而猶伏將以大昌熾於將來也康熙戊戌
余始成進士讀中秘書遂開翰林之局嗣是雍正癸卯己未

以來未逾三紀蘇霖渤蘇霖潤時遠時餘俱兄弟聯芳泊趙
淳金作賓龔渤吳璉張聖功彭敬吉彭侶郭鏞熊煌諸君相
聯鵠起詞苑台垣屢職清要或牧民司鐸驤首

皇衢其上春官者每科不下六七人或四三人意者氣之始通理
之漸著吾輩其先驅者耳異日進而益土必有大儒炳蔚名
臣聿興不愧於賈董姚宋韓范程朱諸君子者豈獨為吾邑
學校光柳將為碧雞金馬增其身價也蓋嘗論之學校之興
已三千五百餘歲而吾邑之澤於膠庠者未四百餘年又數
百年來駸々稱盛轉文明之轂者實為今日是文運之在中
原則大明之亭午而在吾滇則旭日之始旦也觀夫華之始

□□之始□□□蘊□則敷榮吐秀將來正未有文惟冀後
之學者勉為德行道藝之矜脩方追三代以上之盛節則聖
域賢關魯之薪傳於是乎在聯翩科第其餘緒耳今日貞珉
所勒豈以誇耀鄉里也哉謹為之記

建文龍塔碑記

知州 何蘭汀 山陰

古今義舉非識力之大過人不能速成厥美趙治西北浴龍
山為鳳儀□翼舊有文龍塔與東山文筆塔對峙歲久傾圮
惟□故址科名遂以少替亦可知文龍之與文筆誠地□文
風之大較也嘉慶丙寅州□□□前牧會□衍三公意重建
文筆塔事□即欲接建文龍塔而方縣未果越道光辛巳前

牧鑑堂周公首倡其事迺相地形遷於舊址之下羽翊州治
拱衛黉宮視舊址尤為扼要基甫拓而周公因公他適旋遷
任廣西州事遂寢癸未春余權州篆下車後詞訪遺跡知文
龍塔之建文運攸闕爰捐廉五十金集紳士秉公持正者董
其事籌項協脩凡三閱月余奉調卸篆後牧吳公繼之余心
目懸々期斯塔之有成而又恐成之湏時也因不時致書諸
襄事秋九月得覆書知切已竣余既多後牧吳公之善口文
風實都人士之克成義舉也豈不懿歟抑余尤有厚望焉有
唐之世進士之題名鴈塔者皆博學多文之彥趙為漢西文
藪自有明迄

國朝科名可憐中州所冀塔成後多士精心學窺造極登峰如
塔之層累而直上行見文運重新人才輩出甲科之盛媲美
前脩即以此舉卜之矣爰為之記

大理建置居士碑記

知府本

著長白

大理居迤西之中地踞金碧上流擅西南巨險東有若水九
岩南有昆彌鎮柱雲龍黑水扼其西鐵橋石門鎮其北雄郡
也三代時屬雍梁遠為荒服迨楚莊躡略地王滇始通中國
漢武帝封白仁果為滇王蜀漢武侯復定南中厥後李雄據
於晉蒙氏據於唐段氏據於宋雖通中國尚分裂焉及元世
祖啓其疆土命官分職革其舊制明設府州縣化其習俗浸

手盛笑迨我

朝奠鼎

聖聖相承恩德覃敷撫綏教化萬里如置衽席故士知禮義不尚
浮華民安畊鑿不趨詐偽風俗之美頗有足觀婦女耕織而
外肩担背負無不力作渾噩敦龐淳古遺風司土者當憫其
辛苦憐其樸鄙涵育薰陶毋期速效漸摩之久大順大化比
戶可封矣

桂香樓記

進士趙

淳龍溪

桂香樓在鳳山文昌殿前襟九龍

名山

帶波羅俯金城東望晴

雲五佛龍伯諸峰松杉疊翠北眺鐵甲相國諸山怪石峻峭

樓前古柏陰森鋪青搖碧殿西窓則曉月樓松嵐光染袂瞰

龍井則德水沁心溪毛適口迺若新鸕織柳布穀催耕杜宇
啼紅鳴鳩喚雨則於春宜蟬詠星槐蛙鳴古沼松濤漱枕雲
影窺人則於夏宜秋則桂英馥郁菊蕊繽紛冬則巉岩坐雪
雨花尋樛余少而壯々而老讀書其間披風抹月覺平林俱
白萬山皆響友人擬余為瑞鳳為文龍謂前可以追煮龍之
蹟明金壘於此苦讀夜取
龍井魚破伽藍像煮之繼鳳嬉之游余但憑檻長嘯而已

杜亞李醉柏亭記

思貞書 暹子翹

晴雲山醉柏一株高可十尋大將合抱形如偃蓋下可蔭數
十人蓋數百年物也杜子讀書山中愛其蓬勃爰致奇石其
下植樛種卉其旁而構新亭其上遠眺蒼雪近枕松濤宜琴

宜基可歌可嘯迺徵詩紀勝屬余記之余惟古者亭以人傳
人以亭傳故草亭以子美傳蘭亭以羲之傳醉翁之亭以歐
陽傳即吾鄉鳳嬉之亭亦以升庵傳更有因瓊花而作無雙
亭因紅梅而作紅羅亭者醉柏亭之作其以為知己耶抑以
柏之醉為同調耶皆未可知但思太谷之柏天齊其長地等
其久茲柏也毋亦與霜皮溜雨而黛色參天者等耶杜子沈
酣其中箕踞其下以詠以觴茲亭茲柏行以杜子傳矣亭傳
人亦傳也即千百年後茲亭茲柏之或化荒煙蔓草所不可
知而要之傳亭即傳柏傳柏即傳人將余文亦藉是以傳也
夫

萬壽亭碑記

舉人 陳振齊 封

國家禮制莫重於尊王隸

輦轂者正朔有朝

聖節有賀省會郡縣各建

行宮為習地典至鉅也趙治舊名天水郡自漢張盛傳經以來家

習詩書人孰禮義越唐宋元明運會遞開迨我

朝文德誕敷教化洋溢士際風雲之會民游熙皞之天顧令衣

冠未肅體制闕如殊非所以明敬而彰有恪也爰是請諸長

官詳於方伯議建

萬壽亭以廣曠時未備之舉度地營基鳩工庀材閱三載而規模

煥然上奉

聖脾中列過道以辨內外旁列朝房以序班聯有門有垣以嚴捍
衛枕儀鳳面晴雲浴龍左環臥麟右峙山川揜映金碧增輝
遂為鳳賡巨觀於時官師暨都人士凜

天顏於咫尺切葵向於五中雖八千里外莫不相顧欣然而動瞻
雲就日之恩則是舉也夫亦仰報

聖明於萬一云爾敢云創始于哉因紀其時則今

天子為政之二十有一年歲丙子冬也紀其地則治城之南黌宮

舊址也紀其人則敷陳大體者 賜進士趙淳 恩進士費

暹首倡而董率者舉人陳振齊貢生金尚賓費子震生員楊